

Gvangjsih Minzcuz Bau

ganhhau: CN45-0036 B.2020 Nd.7 Ng.8 liggaueq gengcej nienz ndwenngux cibbet

Gvangjsih Minzcuz Bau

(bani Sawcuengh)

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei

Biengauj okbanj: Gvangjsih
Minzcuz Bause

Geizsoq: Gungh daih 3431 geiz

Swcigih Minzcunghvej Yung "Seiq Aen Banhfap Daeuz" Doinyoengx 《Diuzlaeh》 Ndae Hengz Ndei

6 nyied 30 hauh, Swcigih Minzcunghvej (Minzyijvej) yaenqfat gij yigen saedhengz 《Aen Diuzlaeh Hong Vahsaw Siujsiq Minzcuz Gvangjsih Bouxcuengh Swcigih》 (gangj dinj heuhguh 《Diuzlaeh》). Daj neix dauqlaeng, gih raeuz minzcuz cunghgyau hidungj gyarengz daemxdaej guh ndei seiq yiengh hong daeuz, hengz ndei 《Diuzlaeh》.

It dwg gyarengz hag caeuq yung vahsaw siujsiq minzcuz. Heuhnyoengx gak minzcuz ganbu doxhag vahsaw. Gyaak au vahsaw siujsiq minzcuz fugsah vnzlai, doinyoengx youq dieg vnzlai yung vahsaw siujsiq minzcuz, dingh cingcuj Swcigih Minzcunghvej seizlawz gizlawz caemh yung Sawgun caeuq Sawcuengh; doinyoengx doenghgi gih- gou fugsah vnzlai ciuq aeuyung okrengz fugsah vnzlai yung vahsaw

siujsiq minzcuz, doinyoengx gak dieg youq mwh guh hozdung hungmbwk yung ndei vahsaw siujsiq minzcuz. Gyarengz fanhoiz okbanj gvangjbo yingjsi gvendanz vahsaw siujsiq minzcuz, heuhnyoengx caeuq haeu-coengh bienhoiz caeuq okbanj bauqcej, doenghyiengh yawjdoeg gvendaengz vahsaw siujsiq minzcuz, vnzli fanhoiz, cingjleix caeuq yenzgiu saw gaeuqgeq siujsiq minzcuz.

Ngeih dwg doinyoengx vahsaw siujsiq minzcuz ndaej guhdaengz gveihfanva, byauhcnjva, sinsizva. Cauq gij bumwnz doxgven guhdoi ngeixnaemj dingh'ok gij gveihfan byauhcnj vahsaw siujsiq minzcuz, laebhwnj laebcaez aen cidu saemjdingh fatbuh gij sawloih gveihfan (sawloih moq) Sawcuengh,

Sam dwg gyarengz yenzgiu caeuq

baujhoh vahsaw siujsiq minzcuz. Gyarengz gungganq son'gyauq doengh-boux yenzgiu, biengauj, gicej caeuq canghraiz vahsaw siujsiq minzcuz. Gyarengz hwnqguh aen swliugu vahsaw siujsiq minzcuz, ciengjgouq caeuq baujhoh gij vah siujsiq minzcuz yaek daimued, caemhcaiq ndaej cingjleix habnganj, ciengxlwenx bauj ce, haifat leihyung.

Seiq dwg cauhaeb aendoih vnz-caiz vahsaw siujsiq minzcuz. Cauq doenghgi bumwnz doxgven gyarengz cauhaeb caeuq guenj ndei aendoih vnzcaiz vahsaw siujsiq minzcuz, gyarengz doi doenghboux ganbu ndaw minzcuz cunghgyau hidungj hag song cungj vah, gungganq son'gyauq doenghboux ganbu au hag bonjsah rox vahsaw siujsiq minzcuz.

(Moz Liujgei)

SIUSIK DINJ

● 7 nyied 3 hauh, 2020 nienz aenban sonlien dinfwngz bonjsah youq Sanhgyangh Duncuz Swciyen Gujyic Cin Nanzcan Segih haiban, gungh miz gyawj 70 boux vnz senj ranz doenggvaq "dangz lijun + dangz caen guh", hag lienh cawj gij byaek Guengjdoeng, hohleix meh-rungx lwgnomj caeuq swiq doxgaiq yungdienh ndaw ranz yung.

(Gungh Bujangh)

● 7 nyied 1 hauh, Cunghsanh Yen Hungzvah Cin Lungzyen Cunhvej gizdieg baij gai huqdoj caen guh gaicawx lo, neix dwg aen yienh neix aen cauhsi daih'it gai huqdoj ranzgungzhoj. Ndwde gai miz haeuxnaz, mbawcaz, gyaeg-gaeq doj daengj geijcib cungj huqdoj. Yienghyiengh huqdoj cungj hauh cingcuj bouxcawj, mingzcoh huq, naekmbaeu, gyaqcienz daengj, caemh daiq miz weizmaj, ndaej au veihsin cawx, fuengbienh lai. Dandan ngoenzde couh gai bae 3000 lai maenz huqdoj.

(Cinz Yaujgez)

● 7 nyied 3 hauh, Denzyangz Gih Fulenz youq Nazmanj Cin Sinhliiz Cunh banh aenban sonlien dinfwngz dajsan, cingj bouxgisuzyenz ndaw Denzyangz Gvangjfuzyenz Gunghyibinj Cangj daej son'gyauq gyoengq mehmbwk youq mbanj hag dinfwngz dajsan lamzfaexcuk, gyoengq mehmbwk dangdieg maij hag baenzmaz bae.

(Vangz Gozsun)

● Bi neix buenq bi gonq, Yougyangh Gihvej Dungcanbu youq mbanj bangfuz hwnqguh gij hanghmoeg neix: Song aen hanghmoeg vnz caeuq doenghduz gwnraemx, 8 diuz roen canjnieb. 8 aen hanghmoeg neix guhbaenz niemhsou ndei le ndaej yung gvaq, neix hawj 790 ranz 3036 vnz ndaej ikleih.

(Cinz Yinhlungz)

Fungsanh:

Banh Aenban Sonlien Daemj Baengz Bouxcuengh

7 nyied 2 hauh, vihliux gyaak sonlien vnzlai hag dinfwngz daemj baengz cienzdoengj, ciepcienz vnzva ndangdaenj minzcuz, Fungsanh Yen Vnzva' gvanj youq ndaw yienh Ginhyaz Yauzcuz Yanh giz Dieggoek Sonlien Guh Ndagdaenj Bouxcuengh banh aenban daemj baengz Bouxcuengh. Gungh miz 50 boux vnz dangdieg daej hag, gyoengqde dwg boux-nungzminz, bouxnyez gyaemaij ndangdaenj Bouxcuengh.

(Cauh Wnhgwz Liuz Caijlanz)



Gih Raeuz 3 Bi Dauqndaw Guh "3 Yiengh Hong Daeuz" Cauhlaeb Mbanj Song Vahsaw Doxhuz

6 nyied 30 hauh, Swcigih Minzcunghvej (Minzyijvej) yaenqfat 《Gij Dajsuenq Swcigih Minzcunghvej (Minzyijvej) 3 Bi Dauqndaw (2020-2022 Nienz) Cauhlaeb Mbanj Song Vahsaw Doxhuz》 (gangj dinj heuhguh 《Gij Dajsuenq 3 Bi Dauqndaw》).

《Gij Dajsuenq 3 Bi Dauqndaw》 dingh cingcuj le yaek guhsat 3 aen yinvu daeuz caeuq 8 aen hanghmoeg mbwk. It dwg au vah vnzlai dingq rox, guh hong senhconz minzcuz doxgiet

baenaj lai laeg, nangqdaengz gij hanghmoeg mbwk neix—yung song cungj vah senhconz gij cwngecwz minzcuz, vahsaw aendangj caeuq guekgya, ciuq faplwd ciuq gvidingh yung ndei Vahgun Sawgun Vahminzcuz Sawminzcuz, gyarengz au vahsaw fugsah vnzlai daengj; ngeih dwg baengh vahgangj laebhwnj "gagiuz" doxdoeng gak minzcuz, nangqdaengz gij hanghmoeg mbwk neix—vnzlai rox doh gij gohyoz cihsiz Vahgun Vahminzcuz,

bouxganbu hag Vahgun Vahminzcuz daengj; sam dwg haeujlaeg bae vat gij swhyenz vahgangj caengzdaej, nangqdaengz gij hanghmoeg mbwk neix—caz gij cingzgvang daihdaej gvendaengz vahgangj, cauhyuh gij heiq caeuq yinhyoz deihfueg baenzneix—au lai cungj vahsaw cauhyuh, baijok gij eiqsik Cunghvaz Minzcuz doxcaemhcaez, mbeguh gij vnzva yizloz hozdung vnzlai camgya youh miz daegsaek daengj.

(Cangh Haijyingh)